

光緒山西通志

水利略三

略二之三

山西通志第六十八

賜進士出身頭品頂戴兵部侍郎兼都察院右副御史巡撫山西提督軍務臣張爾巽

旨監修

潞安府 汾州府 澤州府 大同府 朔平府 甯武

府

襄垣縣

甘羅水石隄在北門外舊有漳河隄在縣東今廢

潞安府志縣西城基在甘水涯康熙四十三年濟河東

流不逼城垣乾隆二十九年築北門外護城隄案甘水自西北

來經流縣北濁漳水自縣南十里與小漳合為一由東

門外東入漳而折復環縣之西北明嘉靖時縣人濱河者冀沃灘之

利駕言水勢侵城鑿東北岡決之東注不復西包自是

邑漸蕭條萬厯中郡守劉復初開渠築隄使復故道已

復東去

案此則隄在縣北舊通志云漳河小隄足垂承久惟劍水小隄獨當其衝於圯者蓋即指劉

守所築隄也

襄垣縣志西北土隄當甘水之衝日入坍塌光緒二年

修葺下石砌上磚登十餘丈隄重完固

潞城縣

枯河隄在西門外縣南舊亦有隄

潞城縣志遠患渠在西門外距城二十步許舊有河漕

無水土人名枯河遇大雨則橫流溢城下城北鐵王村

數被其災間亦入城康熙四十二年知縣張士浩築隄

乾隆中重修同治九年又修翟店渠在縣南八里山水

侵田築隄而渠入漳水宋至和間造明成化嘉靖時並

重修萬曆三十二年知縣鄭崇厚又修

黎城縣

泉水溉田者縣北有田溪玉泉二渠

舊通志田溪在縣北橫亙如帶井里園畦皆資灌溉上黨水多衝決溪獨爲民利焉玉泉北五十里原泉村泉出石山下灌溉晦圃居民賴之

謹案潞屬七縣漳水經其六而從古未有議及溝洫者蓋地勢所限人力莫施上黨記謂潞縣之石梁卽春秋曲梁劉昭註郡國志引其文於潞縣下而又誤以漢建安中所鑿潞河之泉州梁牽合於此舊通志不辨遽謂黎城平順之間漢季常疏潞漳水又直引爲上黨記文不知漢之潞河泉州乃今直隸之通州

於上黨無涉也

右潞安府

汾陽縣

縣西北原公水渠溉十二村田

原公水俗名峪道河又曰馬跑泉自縣西北三十里分渠東流溉金莊尉家水泉田家溝李家溝劉村南北莊下太平董寺古浮圖羅城金井諸村田下流入文湖明嘉靖戊午萬厯乙酉癸巳並經濬治舊於春初秋末自金莊村分三之一穿城入洋池過此時爲農民資溉田疇今久不至城矣

其別泉資溉者縣北有閻泉西有向陽水麻窟水南有清潞水三泉水

汾陽縣志閭泉城北八里賈家莊其派漫衍無湍激聲
旁地多沃穿引藝稻金鎖關水出縣西三十里水過向
陽村引資灌漑麻窟水城西十里水從平地湧出民引
漑田在張家堡清溝水在城西十里會石家莊水經流
城南入喬東村漑田又名董師河三泉水城西南二十
里出三泉里山谷中西接靈浮東南注版峪水靈浮泉
出城西
南四十里版峪水出入義河築堰漑田舊通志分三堰
二屬汾陽一屬
城西北四十五里
孝義今只存一孔
本村萬戶均賴之

舊渠汾河渠今廢文湖渠今復修善利渠義河上下渠原公
水支渠今存故瀆

唐志武德二年汾州刺史蕭顛引常渠水過汾水南入汾
漑田數百頃常渠未詳又汾州刺史薛從隄文谷瀘河二水引

漑公私田汾人利之

漑河郭河

宋史熙甯元年正月復汾州西河灤灤舊在城東圍四十里歲旱以漑民田雨以潴水又有蒲魚芟芟之利可給貧民前轉運王沿廢爲田人不以爲便王是知雜御史劉復請復之

汾陽縣志汾水舊經縣東地高河卑灑河或用桔槔汲水灌畦明嘉靖中分守冀南道趙祖元疏渠造江浙水車教民引漑民甚利之後淤徙不常遂廢其平遙介休汾陽孝義舊渠萬曆二十九年孝義縣知縣周佑清分四縣水利起十月之朔止次年二月平遙縣於十月一日至十一月七日介休縣於十一月八日至十二月五日汾陽縣於十二月十六日至正月二十六日孝義縣

於正月二十二日至二月終自汾水轉徙後渠堰悉廢

汾河舊經城東二十五里乾隆中東徙今不入境文湖在縣東十里因文水得名

蓋起於晉及北魏之世前後文水往往不及至是已

入汾川而文湖所滙西山之水自洩於汾故宋謂之西

河灤以西河縣名之也明謂潞城灤以陂側之城名之

也明萬曆四年分守冀南道張士佩令治渠堰俾得宣

洩孔天允碑記略云義安里有潞水一區曰潞城灤其

灤西北受張堡河十八澗之流東南隔汾河二十五里

滙不得輸天雨暴漲則彌原淹野貽壞民田凡七里十

一村旱則無補於溉分守冀南道參政藻濱張公令鑿

渠增堰自灤頭起逕通河口渠長九千二百五十步闊

四丈深五尺堰高七尺兩堰基各闊一丈收頂各六尺

渠高連堰其深一丈二尺渠有長長有夫渠以行澇堰

以禦衝計民得安好腴田二萬三千四百畝有奇久之

渠水充積猶足以資灌注而退灘之餘又倍利秔麥

云汾水東徙入不至汾水徙而西屢漲溢為患道光

十五年汾水從文水縣南安村西轉與文水合橫入自

成澤國久之隄決水從宣柴堡洩跨濟城南北四十餘

里亦成澤國之二隄決水從宣柴堡洩跨濟城南北四十餘

州知府牛鎮諭照道光十八年西雷家堡放水例向陽

開渠疏導以舊渠易濬也文水縣經水患後與汾陽

公築於文湖堡以遇其勢馬金鎖關水舊與原公水同

宜柴堡等村入文湖既涸東注無由遂北轉至西雷家堡

案自道光後文水自上游東徙湖身多壅為田惟恃百

而南光緒五年被災者至十五年乃議濟文湖善利渠

復故道自十年二月開工至明年三月工訖

在縣西南西山諸泉會流為渠東西首尾凡百餘里有

資灌漑明洪武八年重修劉希參碑記略曰汾地高九

數多旱災惟渠西跨諸山北則壺谷泉稍南澗河古隄

迹雖存水已枯竭又稍南一支自薛頡山即孤山尾入汾

其源初發日出谷泉後改今名首尾百里有奇從靳家

里迤邐漸東四五十里間始散漫而行故陽城見喜乾

河等村隨在開築甚賴其利王廷槐渠圖說府城西南

十里至西陽城西北渠分爲二夾陽城而東經城北者

爲北渠行五里許至東陽城始可引灌其導而南轉東

者爲南渠行十里許至見喜村始可引灌舊設水額北

渠溉東陽城吳南里二村地凡歷二年有半南渠既見

喜地歷一年有半如寅年三月之一日閉南渠開北渠

至辰年七月一日則閉北渠開南渠午年三月一日後

陽南渠開北渠以是循環遷及三村所義河出薛頡嶺
澆地百頃有奇餘水匯於文湖以達汾
東南白發源東行三十餘里北爲汾陽南爲孝義自會
汾陽之三泉河又二十餘里至大魏城東北入汾陽又

二十餘里歸文峪河孝義有柳坡堰為中堰其上流為

上堰下流為下堰二堰並溉汾陽地續志義河所灌二十一村之田自大

石橋入河西官村等七村為上堰中辛安等八村為中

堰北辛安等六村為下堰三堰灌地各有定期上下堰

堰八村僅閻家莊一村屬汾陽 原公水康熙二十六

年循入城故渠道之今復淤塞經古浮圖而下由賈家

莊陳家莊西馬寨雷家堡宣柴堡義安村康家堡安頭

村北莊村乾河村師家莊入汾此數年前故道乾隆三

十二年汾徙而東文水徙而西於是雷家堡以下舊為

原公水所經今為文水所經而師家莊以下及孝義縣

東舊為汾川所經今為文水所經

河隄文峪河新隄在縣東舊有百金堡隄雷家堡隄

汾陽縣志百金堡隄道光二十五年築與文水縣界雷

家堡隄亦道光中築以遏原公水者

平遙縣

縣西汾河渠三道溉三村田

公義渠在文水縣東南四十里南齊村溉縣北之任莊及

文水南齊等五村田詳見文水縣下

永豐渠在清源鄉東穆家莊溉縣西北之北左村及清源

柳灣等八村田渠今暫閉永泰渠亦在東穆家莊有堰與交城

文水清源各堰均分水程詳見徐溝縣下村名侯考

縣東嬰澗水三渠溉十四村田其北有盤石渠溉三村田其

南有魯澗渠溉六村田

嬰澗渠俗呼為麓台河在縣東三十里開渠北流澗之西

溉府底村田澗之東溉羅鳴後村田又北分爲二渠西渠

溉開村五里莊新盛大閘小閘五村田東渠溉西襄垣欽

賢郝同郝家堡洪善東襄垣梁官六村田下流入沙河盤石渠

水出盤石山澗北流歧為二西渠溉白城村田東渠溉柏

生郝開二村田此澗水在縣極東北境魯澗渠導源東二十五里朱

坑溝澗之西溉東郭洪堡閘梁龐莊四村田澗之東溉細

腰金莊二村田龐莊引散漫餘水微澗地畝不設渠志云渠水溉田分十四程三澗皆引

資灌溉其水不復滙流成川山水盛漲乃通流入沙河

中都河渠溉縣北五村田其流合中都河者邢村河渠溉六

村田超山河渠溉五村田並在縣東南

邢村河出縣東南過嶺開渠引溉辛村郭林村青村邢村

西郭五村田府志名為過嶺東源超山河出縣東南油房溝諸處開

渠引溉者六村渠西為西坡西源寺渠東為水磨圪塔東

泉趙壁

府志名爲過嶺西源
超山木古過嶺也

二水北流合於中都河由縣

城東屈經城北引漑侯郭道備遊駕南政劉家莊五村田
皆設支渠

亭岡水渠漑縣南六村田官溝河渠亦在縣南漑六村田

亭岡水俗名路牛河縣南六村引以漑田渠西爲石渠薄

泥黎基岳壁四村渠東爲偏城西泉二村官溝河出縣西

南山溝以西引漑常村侯冀杜村三村田溝以東引漑安

社七同梁趙三村田

舊渠縣北有汾河渠城東有魯澗穿城渠城南有中都河西
渠並廢

舊通志汾河介休縣志萬曆二十七年介休令史記事

同平遙令魏學徵開渠灌平遙田一百頃而平遙志不

載孝義志載汾河五渠平遙與焉

案史令開渠自縣西羅城至西王治而下

經官地諸村

孝義縣志仁德渠在縣東二十里辛莊由平遙王政村

引汾水溉田詳知縣張日昇碑

汾州府舊志中都河古跡西流後北注嘉靖十三年築

隄堰仍西流萬曆二十六年定西村使水七分北村田

相等分一小渠使水三分用石砌渠口以防衝決二十

九年山水漲渠口衝塌水獨北流三十六年府勘議地

形西高北下向北易向西難乃照前三七分水衝決處

厚加培塞使水全力西注但於隄中開一小口細流向

北修砌水口務極堅固西北兩村均受水利無水害矣

平遙舊志中都河在縣東三十里合源祠水入鄆城泊

復入汾河漑縣西十三村明崇禎間山水暴漲隄壞由縣東北注漑下八村

雷潔疏中都河記平遙城南縣山有大谷三發源連漢合流爲一名中都河在城南旋逝會歸於汾又城東河名魯澗自東引入城後衝湮溝塹不復入已失地靈今城西民厭水淹城北民幸水利復以洪善驛決隄飲馬水之分壤此中都大河自東迤北溯渤飛流域東北一角衝突傾圯諸生李僕等陳言知縣曹倬委典史吳欽督夫開河渠深七尺闊二丈長二里築隄長一百二十步高三丈五尺闊一十五步建鎮河禹王廟兩楹

河隄中都堰在城南門外

汾州府志明嘉靖十四年因中都河水衝城東北角於

城東南一里開渠築隄名中都堰水運城西南流崇禎中隄壞渠淤水遂北流

國朝乾隆二十七年知縣李在田詳請乃於南門外築隄護城長五百六十丈以防南山諸溪澗水暴漲

介休縣

縣北汾河渠二道溉二十二村田

天順渠嘉慶二十二年北鹽場武生曹世忠因舊渠開北渠灌北鹽場北辛武孫家寨降劉中街禮城孔家堡宋柳北張樂善諸村南渠灌南鹽場孟董霍王南辛武東西大期那村洪相諸村皆設冬堰與文水平遙以次輪灌

縣東石桐水渠分東西中三渠溉三十餘村田其上源別爲渠溉二村田

東河渠起磨溝村南度樊王石河灌連福甯遠東西胡龍

鹽場武屯張良大小堡暨下莊李屯曹家灣王里三堡又

越澗河溉東西楊屯沙堡南辛武至孟董霍王村而止地

十三頃六十七畝七分有奇水程五十三程四十一刻冬春二十村分溉共地一百三十一頃

中河渠起石屯與西河分水灌石屯三佳下磨頭洪善朱

安東西段屯邱屯諸村至東西湛泉鎮止地三十八頃八

十五畝一分有奇水程四十程八時春冬九村分溉共地七十三頃中河下流為馬家河十四

村冬春得分溉共地一百七十二頃水程四月先上十村後下四村

西河渠灌南北褚屯曹麻南北堡東西宋丁及崇賢温村

至城東廂止石屯三佳二村亦得分溉共地六十頃七十

六畝二分有奇水程六十九程六時四刻冬春十八村分溉共地六十九頃八十畝

洪山河導源泉東源神廟曰洪村河兼引鸞鷲泉水流至

狐村曰狐村河實一渠也分水溉洪水村地十六頃七十

六畝七分有奇分水六分木程十狐村地二十頃一畝七

分有奇而後始冬春則大許村得分溉共地八頃九十五

畝水程二十日畢即放流入東河舊通志狐村河溉張良雨水義安三村縣志止有張良村

舊通志鸞鸞泉在縣東南二十五里酈道元所稱繇山

石桐水北流而注於汾者也宋文路公始開三河引水

灌田池西一分為東河轉而北至石桐為中西兩河古

人立程輪期設水老人渠長給印信簿籍開渠始三月

三日終八月一日明嘉靖二十五年吳紹曾申明前法

修築隄防後又有賣水買水之弊隆慶元年劉劬立舊

管新收冊訟覺少杜又有地無水有水無地者萬曆十

五年王一魁釐正之以水隨地以糧隨水惟中西二河

同源異派至二十六年旱西河聚訟知縣史記事考文
路公分水初中河三分西河七分古有石夾口水開板
木朽石埋三七莫辨故利歸於中害貽於西乃至石桐
照地定水中河地近四十頃水四分西河地近六十頃
水六分又以石夾木開易做新築一渠石鑲水洞鐵鑄
水孔上蓋輒密下立石欄一孔四尺歸中河一孔六尺
歸西河門鎖老人執掌無故擅入者以盜論兩河利始
均至二十七年夏復旱見同畝而槁茂異問之槁者乃
東西河地茂者乃夾柳狐岐等泉地也始悟東西河程
雖有六十日不如程近灌少者其利先得且狐岐水湧
日可澆六十畝有奇而水册止載二十七畝地多者借
一灌十少者以餘水媒利乃牌諭程遠程近俱以二十

四日爲則照程加地貧民無水分者與水二三畝共四百三十餘家各泉共加地一十二頃七十八畝九分有奇邑內稱平崇禎間三河溝訟李若星於發源處鑄一鐵孔闊三尺高五尺無論水盛衰洪山河以滿鐵孔爲例訟始寢

國朝康熙八年知縣李鍾盛於三河分水處易木平以鐵平二十二年李應龍於洪山分水處易石平以鐵平二十八年西河中河爭訟石桐藉圪塔水使中霸西使西霸中西河以五分作一刻私增水利紊亂舊規知縣王植令造花名地畝水程冊石桐村應用西河水六分中河水四分其有餘不足又設四六折算以水還水之法弊乃少息每年三月以後八月以前水程有定額至春

冬間多閒洩於汾知縣史記事開渠二十餘村竊意其無滲水矣至二十七年冬聞各泉尙有閒洩者乃令近泉居民凡無水分者胥開報別僉春冬水老人渠長澆法與夏秋同卽中河多水磨至盡流處亦許折而溉田共准過水地六百五十六頃有奇山水不可數計後東河民欲壞冬春水額知縣李雲鴻批冬春水不侵額內而廣利額外此惠而不費前令爲民苦心不易之法也仍照舊規週行

王植水利碑西河水老人曰石桐應得西河水六分大約於七十日之內該用九程十一時石桐應得中河水四分大約於四十五日之內該用四程五時二刻三分五釐合中西兩河之水共使一十四程四時一刻三分

予又思石柵中河水於四十五日之內計該水五十三時二刻三分五釐則西河七日之內自然該水七十九時七刻五分二釐五毫然兩河水分多寡不齊因使石柵人於七十日內用西河水七十九時七刻五分二釐五毫用中河水七十九時七刻五分二釐五毫再補以四六折算之水借中河二十三時三刻四分八釐五毫此外中河人又貼石柵放程水七刻四分以上石柵人各河共該使一百四時四刻一釐此四六折算兩河並行之法也於石柵西河九程十一時中河四程五時二刻三分五釐之原額毫無增減西河借中河時辰亦用四六折算法還中河六分水一十四時四刻五分九釐外浸河水一時如此通變則各使各水兩河原額不增

不減下流憤氣可平又何受使中霸西使西霸中之害
哉又以八月田苗尙須澆灌改定至九月寒露後輪牌
方停止

其別泉資溉者縣東有悶津武同龍洞蒲池灰柳諸泉縣南
有龍泉南河宋壁龍白謝谷龍雨利民諸泉惟灰柳溉田二
十餘頃利民龍泉各十餘頃謝谷七頃悶津不及二頃餘並
畸零

汾州府志驚驚泉之外縣東三十五里柳溝村曰悶津
泉一名連山水溉地一頃九十五畝二分有奇又一泉
曰武同泉武同村溉地十五畝東三十里龍洞溝泉胡
龍村溉地四十二畝有奇東二十里曰蒲池泉在湛泉
鎮之西溉地十九畝七分有奇東南二十里石桐村曰

灰柳泉有二泉相距數十步溉地二十三頃九十三畝
有奇縣南五里曰龍泉亦呼灰南泉及東柳等泉舊溉
城南上下堡常樂村地五頃八十畝康熙四十年泉忽
竭至雍正十一年湧出如初並增新泉六孔附近井泉
舊須汲引今亦溢出資溉遂倍於昔共溉十七頃六十
九畝南七里曰南河泉遐壁村溉地二畝南十五里曰
朱壁泉東朱壁村溉地十二畝有奇又一泉曰龍白溝
西朱壁村溉地十四畝九分有奇縣南少西十里曰謝
峪泉謝峪村溉地七頃六十一畝一分有奇南二十五
里曰龍雨泉萬光村溉地二十五畝四分南四十里縣
山下曰利民泉輿地村溉地十二頃七十畝有奇此泉
與靈石分灌靈石十二日介休十七日

冬春餘水資溉者縣南有閼津謝峪並溉八村田灰柳泉溉
十村田磨溝渠溉六村田縣東北有壺盧三道河溉六村田
汾州府志諸泉冬春水額閼津泉八村分溉其地二十
六頃灰柳泉十村分溉其地八十三頃謝峪泉八村分
溉其地三十一頃磨溝泉六村分溉其地一頃五十一
畝水程十日畢放水與謝峪泉同澗下八村地壺盧三
道河在侯家堡六村分溉其地二十頃此二渠及中渠之下
馬家渠皆有冬春水而無夏秋水馬家渠詳中河下
舊通志閼津泉開渠
引漑東西陽屯東西窟則頭東西
胡龍上下里後柳溝城場十村

舊渠汾河有羅王莊渠孔家堡渠在縣西北石桐河有石城
渠穿縣城入泮池又有澤物古渠並在縣東南今廢
介休縣志城北十里接孝義縣界汾河交城孝義瀕河

民各有水渠冬春溉地萬厯二十六年春旱知縣史記事欲由北界霍家堡開鑿以韓板民不願而止至二十七年春又旱孫暢大宋小宋羅王村民言諸村無水誠鑿渠引水可溉五村田五千畝有奇特霍家堡民以爲開孝義地利介休民不欲韓板民恐岸高水不得上利歸下村亦不欲記事乃由羅王莊起至孫暢村止開渠闊一丈五尺深一丈長一千五百二十七丈遠八里有奇渠成而羅王東宋地高不能徧灌復循河勘至小宋北離渠五丈別開通之可溉孫暢小宋西宋地三十六頃有奇羅王東宋亦引汾入渠用水車灌之禮城與洪相駱駝村皆沙地微風苗卽沒萬厯二十七年史記事於大期東神洪相各開渠分冬春水溉田一百二十頃

獨禮城地高泉水不能上欲引汾水而南主簿溫鑛言
汾河經平遙離禮城二十五里經汾陽離二十里經孝
義離十五里孝義雖近而地形下惟汾陽可但渠口地
高恐不願耳汾陽民果不從乃欲自平遙羅城村開而
羅城與西王治二村民亦不從禮城民願止記事曰渠
地遠我增其價爾力乏我助其工奈何憚煩爲會平遙
令魏學徵訪渠過羅城卽可潤北官等四村地且北關
等四村與禮城同瘠遂勸諭二村民卽委溫鑛督工渠
自羅城起至西王治而下經北官地中官地南官地宋
家官地後至介休孔家堡復經中街村禮城村萬戶堡
張當寨朱家圪塔洪相駱駝村通馬家河止計渠口闊
六丈訖西王治共七百九十丈過西王治至界渠又長

一千八百四十丈平遙四村分修渠在介休又長二千二百八十丈共長四十里有奇溉地平遙一百頃介休一百十二頃水程平遙分十四日介休十五日澆次先介休而後平遙此足下行上之法不可易也

案萬曆十七年史令

教民穿井六百有奇貧民不能持畚插者一井借穀五斗共穿一千三百餘井其勤於民事如此

古志

澤物渠東南一十里

孔天允興復西渠水記縣東南有勝水出狐岐之山其流湛洋汪濊自宋文潞公始作三渠分引溉田其東渠中渠則由東北灌浸張宋安等村之田西渠則由石城而西經邑城贊洋灌浸韓板等村之田其後石河壅闕西渠乃遂不流蓋近百年莫之能復辛丑夏分守大參政疊川子公行縣得西渠所由廢興頷命縣丞李敏德

主簿董舉正興理石河之役又命知縣董君宗魯督視
之河深遂浚七尺而暗構石隄於中袤二百餘步高三
尺廣二尺有奇作十日而功成西渠之水遂復流如故
又爲鑿泮池廣橋門受新泌之流

河隄利民石堰在縣南興地峪口

舊通志興地村利民泉石堰崇禎十五年縣山暴雨亟
發漂民田王廷傳於河南谷口壘石堰一道址厚一丈
高八尺長一百二十丈俾山水胥歸於河

孝義縣

縣東孝河七渠溉十一村田

興隆渠縣東南二里許孝河北岸康熙十三年開溉城東
及橋子上長黃馬莊清義蘇家營仁智七村田

水程月十
四日得下

游諸渠
之半

崔陸渠雍正十年開因興隆渠東注而蘇家營仁智清義諸村在渠北激水不便知府崔應階知縣陸拱宸令移西濬渠故名崔陸渠

洪露渠明洪武年開後廢別開今渠灌大村地

長興渠灌長興村及小村地

仁和渠在長興渠下又東為中南渠並溉盧家莊田以上六渠

並在孝河北岸

馬任渠在仁和南岸之上灌盤糧村田

舊通志孝河流經縣西南隅穿渠築堰引水由柳巷而

東溉田三十頃有

孝義續志孝河有北川中川南川北川即勝水也出縣

西之盤重原沿途所入之水甚多至薛家會中川之水
自正西來合距城四十餘里又八里至尉家莊南川之水自西
南來合從縣西關外繞柳堰而東六七月間山水暴發
關外之南北隄岸皆以防河而護城居民獲利在此爭
訟並杜害耗費亦在此舊十一渠內潤民仁義馬道盤
糧四渠今已不用

縣北義河中堰八渠溉八村田

中堰與汾陽之上下二堰分日使水歲得五十八日上堰
初一日起中堰三月二十一日起下堰五月初九日起至
八月初四日又自上月起中堰十月初四日起下堰十一
月十四日至十二月盡止引溉八村田各設支渠中辛安
值閘準輪到之渠重使
水程六日閻家莊水程三日南辛安水程七日辛莊村水
程十一日司馬村水程十五日東莊村水程六日仁智村

水程四日青義村水程六日南辛安辛莊仁智青義以水

幾向無水程若山水陡發則不

拘月日佳水流灌畢放水遞下

孝義縣志義河歲頻乾涸通流之日一歲不過數十日

往時修渠築堰且相爭控今渠雖仍舊罕有依期堵堰

者殆工費多而獲利少耳

其別泉資溉者北川有獨力渠白龍渠南川有吐京泉

汾州府志縣西北三十餘里賢者村之瓦原灘有泉南

流入北川前明人劉大剛濬渠溉地呼為獨力渠縣西

二十餘里鑿渠引北川之水曰白龍渠舊有支渠六今

並廢惟存總渠溉元村及賈莊地吐京泉附近吐京村

縣西南三十里志云或言即水乾隆二十七年元村農

經注之陽泉水流三里入南川民爭引水構訟連年不已三十四年據知縣鄧必安勘

明吐京村地在南川南之上游元村地在北川北之下
游所爭本屬風馬牛不相及因南川舊循山麓泉出雖
高近卽入澗故吐京無地可溉後澗斷北徙泉流稍長
澗南之地皆可引灌而元村乃謂吐京村向無水利明
文欲遏是流逾南北兩川入白龍渠溉元村地實爲越
畔如縣所陳斷歸吐京民築堰引溉

濁水資溉者漕溪河渠溉四村田白溝河渠王馬河渠均溉
五村田並在縣南

孝義續志漕溪河前志云出玉泉山之南麓實則出於
又西之趙家窰闕家口等村行四十餘里決南北岸灌
曹村長魏村梧桐村西盤糧之地灌畢歸孝河今水源
常涸間山水暴發尙有灌地之時舊名普濟民渠水盛時四村分定期南

舊渠汾河有永安福溪濟民盧橋仁德利導六渠今廢孝河
有仁義馬道二渠亦廢潤民盤糧二渠今存故瀆而潤民與
濟民廣濟二渠同為金元古渠云

舊通志汾河北由汾陽縣北小堡村界起南流經新莊
村小堡村大堡村程家莊張家莊橋頭村盧家莊至東

村由縣南壇梁村入境即河為渠北灌下柵梧桐南灌
玉屯王屯北姚距縣十五里水程兩月一周王馬河源出靈石縣之

高仁村北流入境經根頭村灌玉屯董屯北姚南姚五

村水程四十日一周北姚十日南姚九日董屯八日餘各六日此三河其水視他河

減甚上地必資山水前志云灌畢入汾今則水源常涸

亦不見其入汾也

舊渠汾河有永安福溪濟民盧橋仁德利導六渠今廢孝河

有仁義馬道二渠亦廢潤民盤糧二渠今存故瀆而潤民與

濟民廣濟二渠同為金元古渠云

舊通志汾河北由汾陽縣北小堡村界起南流經新莊

村小堡村大堡村程家莊張家莊橋頭村盧家莊至東

十里五樓莊胥引水溉田分定水程又東至霍家堡村
入介休界永安渠引經辛莊村鹽銅頭村南盤頭村小
堡村福溪渠引經大堡村程家莊李家莊濟民渠引經
橋頭村張家莊盧橋渠引經盧家莊仁德渠引經新莊
村

孝義縣志方志謂萬曆二十九年知縣周佑詳請汾平
介孝四縣各分水利自十月起至二月盡止每縣三十
七日孝義三十七日之內又分五渠曰永安福溪濟民
盧橋仁德今河徙渠廢故道俱不可尋方志又有仁德
渠利導渠案仁德卽五渠之一利導則五渠沖潰後重
濬之渠今悉成平地

續志孝河仁義渠灌大村地開於萬曆年間今無形蹟

馬道渠灌小村地今亦無蹟小村藉長興渠以溉潤民
渠自城西南決北岸引水今地高於渠不能灌地已數
十年矣前志云渠不知所始明洪武九年重濬在城西
南隅二里引水過護城隄經城南堡牆內繞城
而東注於地內與興隆諸渠分半使水自十月初一日
起三月盡止又云潤民渠使水雖為期半年實止四月
其十二月正月不取開堰恐冰解激冲廬舍至渾水之
利又曰城南地低每四月後必堵塞渠口不令水入舊
灌城東大村小村長興黃馬莊屯青義盤糧渠灌東
仁智南辛安盧家莊東盤糧十一村之地

盤糧地今已不用

金正隆中張允祐濟民渠記孝子河救旱功為最郊之
西南層巖崇邱屬谿駢壑經積雨支流吞併洶湧之勢
洪波怒濤不下三二丈邑東卑下之田曷鹵之地變為
膏腴民實賴之自正隆二載雨不時降邑蘇仲禮世習
儒業宋湛精通算術以積水窺管知地形高下慨然曰

孝子河岸高百丈開崖穿洞流渠行水可以救旱乃集
工七十五買渠地十餘里就藥家里河口三處導及邑
之東北司馬里上下二十里中間地之出者削而平次
者積而坦堆阜者鑿而深之缺窪者補而完之斷岸則
剗木爲槽以通焉至落成牛車並人力總二萬五千
明王安廣濟渠記高唐之山有孝子河源出縣西北山
駢於白壁之左右旁分二水合流一派開渠東注環流
城郭賜額曰廣濟渠歲久淤澱洪武庚戌春三月久旱
判簿濠梁成公器之訪於耆宿成執中驗形勢故道不
旬月而渠復成

明武德新潤民渠記洪武九年亞尹成公器之治是邑
曰潤民渠廢未久當起壩導水乃卜於高崖底壅築隄

堰流通水道由縣南廂達縣東北隅次則文瑞中義等鄉首末輪流循環不已

古志元署縣事朱守謙開渠堰之利廣濟潤民皆修於明初或

卽元渠也

河隄孝河有南堰西堰義河有北堰在縣城外

孝義縣志西郭門外有橫堰不知所始西南有護城大隄起正西繞城南而東互七里高厚丈餘創於前明萬厯間知縣孟德溥以障孝河東繞趨東

續志北堰在北關舊有老堰長里許以防義河道光九年興隆渠水至北關二十年漫社稷壇因令築堰自北門東邊城基起駕濠而北至老堰而止南堰名柳堰自孟公築後至今各村皆有修補之界石西堰繞南與柳堰爲一正西頗促光緒六年增修一百四十一丈

臨縣

湫水河溉縣川田近城有麻峪水甘泉水縣西有孝才水並資灌溉

汾州府志縣之四境皆山惟湫水起興縣自東北而西南行二百三十餘里注黃河明萬厯間知縣諸葛昇教民開渠築隄引資灌溉麻峪溝在縣西北一里甘泉溝在縣東南三里舊通志引月鏡川出縣西十五里俗呼孝才河資灌溉蔬圃

萬厯三十五年張惟學甘泉溝水利記湫川北自興縣來至縣南三交叉又西南折而入大同磧口其間千溝萬壑之水會歸於此而入黃河古無人治之諸葛侯昇創疏渠築壩引水滋田之制渠道深與寬相等隄堰高與

厚相等度地以分區區分以畦塍植以粳稻乃以隄堰
逆其水以渠道分其流引而注之南畝曲盡水利
尹同舉諸葛侯興水利記臨邑東甘泉西麻峪北榆林
會於湫河四時皆泛注非乏水鄉也諸葛侯昇路經佛
堂峪見水雖奔流直去然近村地勢頗卑可引以灌南
畝遂令築隄壩不日告成

河隄湫水隄在東城外

汾州府志湫水暴漲屢爲城患明宏治中知縣高峻創
築護城隄嘉靖中知縣脫鎬賀定國吳朝相繼修萬曆
八年知縣陳舜道砌石增高藉以保障者垂六十年兵
燹後屢爲湫水衝壞

國朝康熙四十六年知縣沈天泳開渠引流編柳作堰雍

正十一年知縣徐能請公項銀三千大加修築知縣霍
作明竣其事隄長百三十丈高三層乾隆六年知府
張坦讓見水勢湍急及知縣張紫極各捐俸修繕循隄
之根埽壘石爲外護長百三十丈二十八年知縣丁宗
懋於北頭接舊隄增長六十八丈頂衝處又築月隄二
十丈三十四年復修繕完固

永甯州

州西赤洪水渠溉田八頃有奇

汾州府志州西穆村南近離石水村人陽高縣訓導王

彥孔鑿渠以興水利溉田八百餘畝

穆村距城七十里

其別泉資溉者近城有溫泉州南有香水

舊通志溫泉在西城下明宏治初知州呂大川教民種

山西通志卷之二十一 才承三 三
稻灌畦今苦河患有蔬畦而無稻田香水巖在州南十
五里由大上河路口石壁瀉出鄉人資灌溉焉

河隄赤洪水隄在西城外

汾州府志州城西北隅北川東川至此匯流爲一山水
暴漲州城屢被水患明宏治初知州呂大川築隄防護
多植樹以固隄嘉靖中知州喬遷重修後漸廢壞萬曆
二十六年知州夏惟勤改築大隄旋被水衝兼損西城
三十六年知州李橋重修

國朝康熙四十八年州人于中丞準雍正十二年知州許
秉元相繼繕修

蒲鄉縣

清水河七渠溉縣南田四頃七十畝有奇縣東田二頃八十

畝有奇縣北田三頃四十畝有奇

汾州府志甯鄉水俗呼清水河北流經段家莊

縣南十里相

度地勢可資灌溉舊有堰曰段家堰溉地七十畝有奇
乾隆三十四年三月知縣朱懋炳勸民增設隄堰溉地
三百餘畝又六里舊有堰曰鷹灣堰今溉地九十餘畝
縣東一里舊有堰曰沙會堰溉地二頃有奇其北曰來
觀堰明萬曆十五年修溉地八十餘畝縣北八里曰寺
灣堰溉地二頃有奇今並如舊縣北十三里曰大高堰
萬曆十五年引山泉循崖而西溉地四十畝今六十餘
畝縣北二十里曰朱家堰溉圍圃地八十餘畝今如舊
其別泉資溉者縣西北界有青龍泉

汾州府志縣西北八十里鋤溝鎮距永甯州西六十里

青龍鎮不及里許鋤溝鎮引青龍泉溉地一頃有奇

舊渠清水堰自縣南穿入城牛尾泉渠在縣西南並廢

汾州府志甯鄉水引而西達於城中者曰清水堰明嘉靖二十六年知縣張鏗引渠經城南建通濟橋橋記稱縣城適枕西山之隈故掘井者百仞而不及泉民甚艱焉曩嘗有軫是念者乃自西南山麓開渠引流而上直抵城中而其流未廣據此則舊渠直達城中以供民之取汲嘉靖中乃引而廣之耳後又湮塞萬厯三十二年知縣黃應貞復引入故道城內溉田二頃有奇今城南三里橋及碑記尙存而水屢經衝刷河身甚低不能引流城內田畝悉爲民居矣牛尾泉出暖泉鎮縣西南百里西流五里經韓家莊又三里經補村又二里經雷家莊又

三里經柳樹溝又二里經鮮花莊又五里經王家莊又五里經岳家山又五里經沙塘村又西爲石樓境自暖泉鎮至沙塘村引泉溉地舊曾設渠規渠長溝頭司之恆遇微涓細流不敷灌溉於是渠規遂廢暖泉鎮與清水河隔越重山而山西通志云甯鄉縣西南引清水河由暖泉鎮起誤也

石汾州府

鳳臺縣

泉水溉田者有源源水在縣東

鳳臺縣志在可寒山下東五里水經注丹水出上黨高都故城東北阜下俗謂之源源水泉一爲土人所塞一下出成渠東北流兩岸稻田畦分蔬園枰列源源水名源源

名源漳卽雙泉也舊通志以雙泉在
縣東源漳在縣東北皆云可引概誤

高平縣

丹水舊穿渠入城今廢河隄在城西及唐安鎮

唐志貞元元年令明濟引丹川入城號甘泉

唐武少儀移丹河記潞州屯留令平原明濟假領茲邑
度高下之勢相引決之宜有丹水者始自縣之西北山
源高而派平可議壅以導爰儲薪芻具畚鍤景功命日
使里人樂助始濬流而爲潭因疏渠以達郭築防以補
其陷隙剝木以導其險阻脈分枝散買邑周閭瀾瀾苦
草之閭陰陰槐柳之下遂使家開沼沚戶植芰荷濫觴
可以寄傲垂釣可以烹鮮

舊通志郭公堤縣城北元尹郭質築故名明知縣柳亨

築柳公堤高平通西山時有水患明知縣劉大寶築堤以禦而水泛土潰萬厯元年知縣李楨鑿濠引水由南之東抵龍曲村會入丹河

國朝順治十一年知縣范繩祖再築之名范公隄雍正五年知縣甘士瑛增築丹河石隄高十八尺長六丈

高平續志同治六年知縣龍汝霖重修西隄有自記

朱之蕃唐安鎮石堤記高平水源發空倉山者滙爲大河經唐安鎮之南夙苦漲溢義民陳壽創石堤患稍紓顧堤僅四十丈歲久齧蝕馮公春卽陳隄擴之長八十余丈高闊咸倍於昔堅固有加自萬厯庚寅迄今三十年而河水屢發竟不能爲患

陽城縣

蘆河在縣西北盤亭河在縣西南並資灌溉

舊通志蘆河古陽泉水也水口出鹿臺山自沁水縣樓
子坡經縣西北芹池劉村蒿谷美泉孔寨入於沁可引
溉田盤亭河源出析城山麓會諸澗水注於西南兩岸
石田可資灌溉遶王屋入濟源境則水利興焉

右澤州府

大同縣

縣東康石莊渠溉田四十八頃五十一畝有奇

康石莊在縣東一百三十里渠水天鎮之五泉河也與天

鎮陽高南川諸村輸灌

詳天鎮縣

玉河灘渠溉縣東田五頃五十畝

縣東十五里玉河之東寺兒村小南頭間道光八年於出

灘地一區西有新舊渠三道東有泉渠一道皆可引灌兩
村爭築與訟知縣黎中輔斷令寺兒村分種三頃五十畝
小南頭分種二頃各開新渠一道通詳升科

縣西武州川渠溉沿河諸村田

大同府志武州川

志作武州非

俗名十里河自左雲縣雲岡

東流出口逕王家園平王村時家莊又東南逕東西十

里河村口泉峪之水西來注之沿河各村開渠引水資

以灌溉

大同縣志邑境之水以武州玉河桑乾爲總泉

等村灌田者極多案府志均不詳渠道畝數

其別泉資溉者縣東有大泉立泉西有口泉于家園泉南有

龐家山泉孫家港泉

大同縣志大泉發源於熊兒澗西南匯爲澤名旱海又

迤南始開而成渠亦資運磨縣東七十里立泉發源懸石崖

至尉家小堡其流汪濊灌地既廣運磨亦多縣東百二十里養

泉即口泉峪以內專資運磨峪外平疇千頃繡壤交錯

其澤普焉縣西四十里于家園泉發源於西窯子頭至是分

而為二其一入懷仁境在于家園者灌田甚廣縣西六十五里

龐家山泉其水分為數埒普滋田疇縣南七十里沙河發源

於渾源之洞子溝入邑境至孫家港溉田甚廣縣南六十五里

案縣志所列水利十泉泥河西平泉在縣東清水泉在縣南鎮川泉在縣北皆專資運磨其溉地者實只六

泉於渠迤畝數水程均不詳也

舊渠玉河渠在縣東南

郭傳芳守道曹秋岳去思碑龍沙止生寒黍不知六穀

有粳稻先生開渠東阡因玉河下流且溉且糞立田秬

稻千畦

大同縣志玉河自收入武周川水勢益大由智家堡艾

家莊而南至落陣營等村不特開渠澆灌且沙礫平灘

一二年閒淤成膏腴其利於民者亦復不少

案落陣營里又南十里為玉河入桑乾處正當下流如志所言則近今渠道與當年稱田蓋不相遠而志亦復輝舉大略

渠道畝數皆無從稽

山陰縣

縣北有新莊河南有黃水河並資灌溉西伯渠亦在縣南以

洩山水

大同府志新莊子河發源懷仁縣南七十里西南流逕

黃花嶺入山陰界山陰縣北黃花嶺南諸村資其灌溉

古武州塞水也黃水河源出朔州東徑山陰縣城南明萬厯後

北徙迫城西趾知縣劉以守濬歸故道

國朝乾隆年間知縣葉丕葆於東門外開頭道河導之北

三十三年知縣常愷奉文疏濬

舊通志知縣劉以守書水利碑陰黃水溉田上則元英

黑圪塔下則五伏圖李珠莊擅利久矣其近城前後可

引可灌自奉分日之令又禁上村無得壅閼責坐堡督

察而以縣法繩之城民舊苦鹵飲遠及城南石井擔水

日費二三文今河遶三門童稚可汲夏秋飲長流冬春

飲積冰民咸宜之府志黃水河水經注所謂桑乾枝津也西伯渠在縣南

明巡撫王某開濬以殺復宿山諸谿水漲之害府志渠道東注

白泥河

應州

崞川水澆州東田州之南有下社隄新舊諸渠以防山水

應州續志渾河東岸北馬莊渠西岸柴家莊渠乾隆三

十三年知州吳炳開濬

渾河卽渾源河古崞川水

舊通志大石谿水舊出城東門繞流城北向西北入桑
乾康熙二十四年水漲發沒城乃築隄下社村逼水北
流入於渾河

大同府志應州新舊渠胡峪水自山陰界北流至大黃

魏入鹽河馬蘭口水自州西南馬蘭村西北流三十九

里至劉家莊入釀河茹越口水出口分二渠一東北流

四十里至寇家寨一西北流三十八里至師家坊並入

鹽河峙峪水自州西南峙峪村北流五十七里至張家

坊注鹽河小石口水一自州東南小石村北流逕東關

外至吳家莊入桑乾一自鮑家堡西北流三十八里至

寇家寨入鹽河

鹽河二河水無源因土人挖鹽鑿成渠水所匯處遂目為河耳並注於桑乾

大石口水一北流十五里至鎮子梁入渾河一西北流

四十三里至楊家莊入桑乾北樓口水自東小寨北流

二十里至安樂營入渾河

按新渠皆乾隆中知州吳炳所濬以防南山山水橫流者

渾源州

神谿水流合崞川並資灌溉資窯峽水舊穿渠入城今廢

舊通志渾源川在州西南源出歎土峪神峪元麻治律

呂神祠記渾源州西北七里許有小邱神峪之水出其

陽峪之泉以十數而鈞突為最或者濬而堰之水既合

湍為碾磨側置紙房池漚麻泉西引灌溉其利無窮流

益遠利益大

大同府志資窳峽水導源恆山北麓舊嘗引水入城今廢

廣靈縣

泉水資漑者縣西南有灑雨泉

舊通志灑雨泉在縣西南五十里直峪山源從石孔中

突出可漑田數十頃府志作數十畝

陽高縣

縣南桑乾河渠二道漑一村田

縣南九十里小石莊由大同縣界西堰頭引水灌地數十

頃乾隆三十三年知縣石文秀疏濬大同縣志西堰頭有

引水其上渠一道陽高之小石莊天鎮之次大石莊共之由

小石莊村北將小石堰頭渠租其下渠一道灌小石莊村南之

地與大石莊無涉惟小石莊交渠租道光七年小石莊人

於村南另開子渠灌及村北是欲以下渠之水一租而兩
用也大石莊人向稱西堰頭人失利訟經府案斷令填寨
子渠仍復舊規

西坦坡渠在縣南開山口渠在縣北西山石渠馬官屯渠並
在縣西均資灌溉

西坦坡在縣南九十里引天鎮五泉河水與大同康石莊
及天鎮南川諸村輪灌

大同府志雁門水自豐鎮界導源南流入守口堡之開
山口居民取行水磨兼資灌溉在縣北馬邑河西來逕

太師莊南明英國公張懋田莊也注於雁門水泉出縣
里蓋為崖下舊道志云馬邑河在城西西十五
鑿石通渠西山麓張氏墾之遂成渠焉實一水也敦水

亦名白登河出縣東北聚落山流逕陽高縣西南之王
官屯南北沙嶺陽高馬官屯小渠由大同界引水入至

北徐屯止在縣南二十五里

天鎮縣

縣南桑乾河渠十道溉南川六村田

河北大石莊渠由陽高小石村北渠接水距縣九十里

河南東

太保西太保小渠六道灌田不及十頃每年只用三道

小鹽場

小渠三道灌田三四頃又蘆子屯馬營堡二村亦開渠引

溉均距縣百十里

五泉河四渠溉縣南六村田

倒回窩小廟溝金圪坨三水又會蝦墓泉龍泉為五泉設

渠引溉起縣南七十里之定安營以次及興隆堡蝦墓泉自堡合

流龍池堡龍泉自堡合流顧家營鹹水竈陽高之西坦坡大同之

康石莊至縣境之嘴兒圖止舊多爭截雍正七年四月定

自上而下循次按時輪灌法

南洋河溉縣東田陸沙河溉縣西田

天鎮縣志十里河由石佛寺縣東北十五里至永嘉堡

東北四十里傍河諸村並開渠引溉府志雁門水俗呼

沙窰宣家圪塔各開小渠灌田四五十畝至七八十畝不等

其別泉資溉者近城有湧泉七股泉冰泉玉泉縣北有馬市

泉

天鎮縣志湧泉灌城西南圍圃七股泉在湧泉南順流

而下導以溉圃冰泉灌孫家園地玉泉灌鄧家園地馬

市泉在新平堡西從馬市口流入土人蔬圃賴以灌溉

澗水資溉者縣南有石門溝水梨園溝水

天鎮縣志石門溝水溉嘴兒園地溝在縣南五十里梨園溝水

源出陽高侯家窰引入縣南大石莊溉田

石大同府

朔州

灤水舊渠在州東南分水隄在西關外

沙棱河州東南三十里晨夕上潮流經賈家莊居人舊

引以溉田

案灤水經陽方口伏入地中至沙棱復出

盧時泰西關外古城水利碑記小北岔口一帶兩山雄

峙水勢乘雨而來若不設隄防則奔潰四出而此山以

東朔城以西地皆沙瘠歲苦狂飈惟雨後山水所到膠

泥隨湧能使風伯不災播種無患故昔人於各要害處

築隄以殺其勢濬渠以導其流歲久圯壞庚午刺史翁

君應祥條上水利直指胡公良機大中丞張公宗衡捐

公帑遂克鳩工中間爲拒水及分水壩者以十數若石莊窩四水梁則阻水東北而行若高家莊寺家莊并岔道則分水南北而行若化家莊村東拋荒地則又引水各分地如石夾處古城口俱設有護城壩又開濬小渠二百餘丈曲折導行歸溝於漚而復疏其出口俾總漚於城之西濠使禾受灌溉而關廂無衝嚙

左雲縣

武州川水溉近城田

左雲縣志頭道河發源縣南三里站馬溝明副總兵趙崑濬之邑中畦畝灌溉多資焉

右朔平府

朔武縣

南汾河渠溉二村田河隄有灤水隄在南城外

甯武府志二馬營三馬營在縣南七十里田六七十頃藉汾水

之利縣中田在山坂少渠道惟此土富饒志不詳恢河

自分水嶺合諸山泉流經城南夏秋時騰奔洶觸迅如

建瓴乃為大石隄繞東南西三面以衛城郭明時平陽

水利同知司其事歲加修治

國朝司水利者無復至久之隄毀水齧城址乾隆九年知

府魏元樞知縣錢之青循舊迹為土隄四百六十丈又

築直隄三十六丈值南門植柳為固十一年大水潰決

復補築之

五寨縣

縣南清漣河溉近城田

甯武府志清澗河出蘆芽山北流至薛家口距城五里地漸
平居人資之引溉園圃

右甯武府